

لمسة حنان من ريش جناحها

جيوش الجهل بتزحف طوابير...!!

معقول..
مشيت من غير ما تقول..
أنا مش مستنظر شيء لكن مدهوش..
من إن عيونها السهيهانه كانت بتقول
ويعدى علينا الصبح أفول..
معقوله هأعيش
من غير ما أشوف الضى بيعزف لحنه السهران
على صفحه وش ملاك
أنا كنت براهن على إن الصحبة تعيش وتدوم
نستثمر فيها نزيف العقل المركون..
وننور ركن بعيد م الكون
لكن ما خلاص الباب مققول..
ووراها سنكرت الشيش
دراويش اللحظه بتحن ساعات..
لحدث أو فكره أو قول..

وأنا مش مسؤل..
على إن جيوش الجهل بتزحف طوابير
زى النمل المرشوش على وش الترتاية
وبيسكر من طعم السكر المدسوس
والسوس راح ينخر ف الجدر الثابت والمنقول
ويرجعنا لأول نقطة ف مشوارنا المغشوش
وكانه مفيش..
معقوله تروح ماتجيش..
معقول!!..